

Lögveðrétturinn helst þótt samið verði um greiðslufrest skv. 2. mgr. 6. gr. og skal þess getið í skilmálum.

11. gr.

*Um eldri samninga og gatnagerðargjöld,
álögð fyrir 1. janúar 1997.*

Samningar og skilmálar um gatnagerðargjöld og álögð gatnagerðargjöld fyrir 1. janúar 1997, skulu halda gildi sínu og innheimtast skv. heimild í ákvæði til bráðabirgða í lögum um gatnagerðargjald nr. 17/1996, sbr. 15. gr. reglugerðar um gatnagerðargjöld nr. 543/1996. Gjaldskrá þessi tekur gildi frá og með 1. október 2002.

Borgarnesi, 30. ágúst 2002.

Páll S. Brynjarsson bæjarstjóri.

AUGLÝSING

um umferð á Austur-Héraði.

Samkvæmt heimild í 81. gr. umferðarlaga nr. 50/1987, og að fengnum tillögum bæjarstjórnar Austur-Héraðs, hefur verið ákveðið að setja eftirfarandi reglur um umferð á Austur-Héraði:

I. Aðalbrautir, biðskylda og stöðvunarskylda.

- a) Fagradalsbraut er aðalbraut. Þó skal umferð á henni víkja fyrir umferð á Hringvegi (1) með biðskyldu.
- b) Tjarnarbraut er aðalbraut. Þó skal umferð um hana víkja fyrir umferð um Fagradalsbraut og Árskóga með biðskyldu.
- c) Skógarlönd eru aðalbraut. Þó skal umferð um þau víkja fyrir umferð um Tjarnarbraut og Seyðisfjarðarveg með biðskyldu.
- d) Árskógar eru aðalbraut. Þó skal umferð um þá víkja fyrir umferð um Skógarlönd með biðskyldu.
- e) Selás er aðalbraut. Þó skal umferð um hann víkja fyrir umferð um Fagradalsbraut og Tjarnarbraut með biðskyldu.
- f) Kaupvangur er aðalbraut. Þó skal umferð um hann víkja fyrir umferð á Hringvegi (1) með stöðvunarskyldu og Fagradalsbraut með biðskyldu.
- g) Lagarás er aðalbraut. Þó skal umferð um hann víkja fyrir umferð um Fagradalsbraut og Selás með biðskyldu.
- h) Árhvammur er aðalbraut. Þó skal umferð um hann víkja fyrir umferð um Seyðisfjarðarveg og Árskóga með biðskyldu.
- i) Tjarnarás er aðalbraut. Þó skal umferð um hann víkja fyrir umferð um Fagradalsbraut með biðskyldu.
- j) Umferð um Fénaðarklöpp víki fyrir umferð um hringveg (1) með stöðvunarskyldu, Kaupvang og Tjarnarás með biðskyldu.
- k) Umferð um Furuveli víki fyrir umferð um Sólbrekku með biðskyldu.
- l) Umferð um Flugvallarveg víki fyrir umferð um hringveg (1) með stöðvunarskyldu.
- m) Umferð um Fjósakamb og ónefnda götu að skólunum á Hallormsstað víki fyrir umferð um Upphéraðsveg með biðskyldu.
- n) Umferð um Eiðavelli, heim að Barnaskólunum á Eiðum víki fyrir umferð um Borgarfjarðarveg með biðskyldu.

o) Umferð um ónefnda götu heim að Eiðastað víki fyrir umferð um Borgarfjarðarveg með biðskyldu.

Að öðru leyti gilda þær merkingar bið- og stöðvunarskyldu utan þéttbýlis á Austur-Héraði sem Vegagerðin hefur sett upp.

II. Bifreiðastöður.

Í íbúðahverfum er óheimilt að leggja vinnuvélum, vörubifreiðum, sendiferðabifreiðum og fólksflutningabifreiðum, sem eru 4.0 tonn að eigin þyngd eða þyngri, eða með meiri heildarlengd en 6 m.

Óheimilt er að leggja aftanívögnum eða tengivögnum í íbúðahverfum.

Óheimilt er að leggja óskráðum eða óökufærum bifreiðum, vinnuvélum eða öðrum ökutækjum á almenningsbílastæði, við götubrún eða annars staðar á almannafæri innan þéttbýlis.

- Bannað er að leggja ökutækjum í Skógarlöndum og á Fagradalsbraut.
- Bannað er að leggja ökutækjum á vesturbrún Laufáss.
- Bannað er að leggja ökutækjum á vesturbrún Tjarnarbrautar.
- Bannað er að leggja ökutækjum á vesturbrún Seláss.
- Bannað er að leggja ökutækjum við Miðvang, nema á sérstaklega merktum bifreiðastæðum.
- Bannað er að leggja ökutækjum á vestur-/norðurbrún Bláskóga.
- Bannað er að leggja ökutækjum við götubrúnir heimreiðarinnar að Menntaskólunum á Egilsstöðum.

III. Ökuhraði og þéttbýlismörk.

Í þéttbýli á Austur-Héraði er ökuhraði að jafnaði 50 km/klst. Er þá miðað við neðangreind þéttbýlismörk:

Egilsstaðir:

- Seyðisfjarðarvegur, 200 m norðan við Eyvindarárbrú.
- Norðfjarðarvegur, við Selöxl, 300 m austan við vegamót við Seyðisfjarðarveg.
- Austurlandsvegur, 200 m sunnan við Dagsverk.
- Austurlandsvegur, 200 m norðan við tengingu við Blómabæ.

Hallormsstaður:

- Upphéraðsvegur, við vegamót við Atlavík.
- Upphéraðsvegur, 300 m norðan við vegamót að Hallormsstaðarskóla.

Eiðar:

- Borgarfjarðarvegur, 300 m sunnan vegamóta að Alpýðuskóla.
- Borgarfjarðarvegur, 300 m norðan vegamóta að Ormsstöðum og Gilsárteigi.

Ökuhraði skal þó vera að hámarki 30 km/klst í eftirtöldum götum í þéttbýli:

- Brávöllum, Reynivöllum, Furuvöllum, Sólbrekku, Laugavöllum, Sólvöllum og Tjarnarlöndum.
- Ártröð, Mánatröð, Álfatröð, Faxatröð, Stekkjartröð, Koltröð, Dalskógum, Bláskógum, Hléskógum, Ranavaði, Árhvammi (þvergötu) og Einbúablá.
- Laufskógum og Dynskógum.
- Kelduskógum, Litluskógum og Þverklettum.
- Bjarkarhlíð, Hjarðarhlíð, Hamrahlíð og Steinahlíð.
- Hörksási, Laufási, Skjólbrekku og Lagarási, norðan Skjólbrekku.
- Útgarði og Miðgarði.
- Eiðavöllum og Vallnaholti á Eiðum og Fjósakambi, Réttarkambi og ónefndri götu að Hallormsstaðarskóla.

IV. Takmörkun á akstri.

- a) Vinstri beygja af Fagradalsbraut inn að söluskála Skeljungs hf. er bönnuð.
- b) Einstefna er til norðurs á tengibraut frá Fagradalsbraut að söluskála Skeljungs hf.
- c) Einstefna er um Bláskóga til suðurs að Bláskógum 1.
- d) Ökutækjum, lengri en 6 metrar, er bönnuð umferð um bifreiðastæði við hús nr. 9 og 11 við Fagradalsbraut (Fagratorg). Þó er gerð undantekning vegna póstflutninga.

V. Almenningsbílastæði.

Almenningsbílastæði eru ætluð hópferðabílum, vöruflutningabílum og öðrum ökutækjum eftir atvikum. Almenningsbílastæði eru ekki ætluð til geymslu ökutækja eða ökutækjahluta til lengri tíma.

Húsbílum skal lagt á þar til gerðum þjónustusvæðum í þéttbýli þegar gist er í þeim. Salerni húsbíla og hópferðabíla má hvergi tæma nema á þar til ætluðum tæmingarstöðum.

Við gildistöku ákvæða auglýsingar þessarar falla úr gildi öll eldri ákvæði um umferð á Egilsstöðum og annars staðar í sveitarfélaginu.

Auglýsing þessari tekur gildi þann 1. janúar 2003.

Egilsstöðum, 10. október 2002.

Lögreglustjórinn á Seyðisfirði,

Helgi Jensson fulltrúi.

REGLUGERÐ

um breytingu á reglugerð um dvöl útlendinga, sem falla undir samninginn um Evrópska efnahagssvæðið, hér á landi, nr. 674 20. desember 1995.

1. gr.

1. gr. breytist þannig:
- a. Í stað 1. málsl. 1. mgr. komi tveir málslíðir, svohljóðandi: Útlendingi, sem fellur undir reglur samningsins um Evrópska efnahagssvæðið (EES-útlendingi) eða stofnsamnings Fríverslunarsamtaka Evrópu (EFTA-útlendingi), þó ekki útlendingi sem greinir í 2. mgr., er heimilt að koma til landsins án sérstaks leyfis og dveljast eða starfa hér á landi í allt að þrjá mánuði frá komu til landsins, eða allt að sex mánuðum ef hann er í atvinnuleit.
 - b. Á eftir 1. mgr. komi ný málsgrein, 2. mgr., svohljóðandi:
Útlendingur, sem hvorki er ríkisborgari EES- eða EFTA-ríkis né aðstandandi, sbr. 9. gr., slíks borgara, og ráðinn er hjá aðila sem veitir þjónustu og er hluti af almennum vinnumarkaði EFTA-ríkis, má koma til landsins án sérstaks leyfis og veita þjónustu í allt að 90 starfsdaga á almanaksári.
 - c. 2. mgr. (sem verður 3. mgr.) orðist svo:
EES- eða EFTA-útlendingi, sem dvelst eða starfar hér á landi lengur en greinir í 1. mgr., er skylt að hafa dvalarleyfi. Þetta á þó ekki við um útlending sem starfar hér en hverfur að jafnaði til heimilis í öðru EES- eða EFTA-ríki a.m.k. einu sinni í viku.
 - d. Í stað „2. mgr.“ í 3. mgr. (sem verður 4. mgr.) komi: 3. mgr.